



(ciep banj 9)

Siz Ginbingz daegbied gangj daengz, doinyoengx aen diji caeuq gij bonjlingx guekgya ancienz yamq haeuj yendaiva, laemxsim henhoh guekgya ancienz caeuq ndawbiengz onjdingh

Siz Ginbingz youq ndaw aen baugau Ngeihcib Daih daegbied gangj daengz, doinyoengx aen diji caeuq gij bonjlingx guekgya ancienz yamq haeuj yendaiva, laemxsim henhoh guekgya ancienz caeuq ndawbiengz onjdingh.

Siz Ginbingz vixok, guekgya ancienz dwg aen goekdaej hawj minzcu fukhwng, ndawbiengz onjdingh dwg aen diuzgen ndaej hawj guekgya hwnghoengh. Itdingh aeu giendingh mbouj bienq bae hengzguh aen swhsienj daengxbuenz guekgya ancienz, gij hongsaeh Dangj caeuq guekgya fuengfueng mienhmienh daj goek daengz byai cungj aeu sien hawj guekgya ancienz, saedbauj guekgya ancienz ndawbiengz onjdingh.

Raeuz yaek seizseiz aeu yinzminz ancienz guh moegdik, aeu cwngei ancienz guh gaenbonj, aeu ginghci ancienz guh giekdaej, aeu ginhsw gohgi vwnzva sevei ancienz guh baujcaeng, aeu coihaeuj gozci ancienz guh dakbaengh, doengbuenz vehsuenq baihrog ancienz caeuq baihdaw ancienz, diegguek ancienz caeuq guekminz ancienz, yiengh ancienz doenghbaez caeuq yiengh ancienz mbouj lumj doenghbaez, yiengh ancienz bonjndang caeuq yiengh ancienz doengzcaez, doengbuenz vehsuenq bae henhoh dajcauh yiengh ancienz guekgya, cuknet aen giekdaej gihcwngz hawj guekgya ancienz caeuq ndawbiengz onjdingh, laebcaez aen gihci caeuqfaenh ceihleix gij ancienz daengx seiqgyaiq, hwnq baenz aen Cungguek bingzan daengz mbaek engq sang, aeu aen buenz bingzan moq bae baujcaeng aen buenz hwnghat moq.

It dwg laebcienz aen diji guekgya ancienz. Gaemmaenh aeu Dangjcunghyangh gyonjcomz lingjdauj gaiq hong hawj guekgya ancienz, caezcienz aen diji lingjdauj guekgya ancienz engq mizyauq youh miz gienzvi. Dawzrem aen gihci gapfwngz caez guh gaiq hong hawj guekgya ancienz, caezcienz aen diji fapceih, aen diji canloz, aen diji cwngecwz, aen diji gamcaek yawhgingj fungyiemj, aen diji guenjieix dangqhaenq guekgya ancienz, cauxlaeb aen diji daengx buenz gapfwngz, aen daeb aen gig mizyauq bae fuengzre henhoh guekgya ancienz.

Ngeih dwg dem' ak gij bonjlingx henhoh guekgya ancienz. Mbouj doengh mbouj ngauz bae henhoh guekgya cwnngenz ancienz, cidu ancienz, yisiz hingzdai ancienz, gyaak gij bonjsaeh hawj gij lingjyiz cungdenj ancienz, saedbauj haeuxgwn, nwnzyenz swhyenz, diuzlien canjnieb diuzlien gung' wngq youq-gaen mbouj ok saeh, gyaak gij bonjsaeh baujcaeng youq rog guek ndaej ancienz, henhoh gij gienzik habfap doengh boux gunghminz, fazyinz guek raeuz youq rog guek haenx, henhoh gij gienzik haijyangz, baenzbaenz cungj aeu henhoh gij cawjgienz, ancienz, leih' ik hwnghat guekgya. Cienzmienh gyarengz sonrox baenzlawz hawj guekgya ancienz, hawj gak gaep lingjdauj ganbu lai rox doengbuenz bae maeuzveh hwnghat caeuq ancienz, hawj daengxcungq yinzminz lai

rox baenzlawz guhbaenz guekgya ancienz, cukmaenh faj ciengz baengh yinzminz henhoh guekgya ancienz.

Sam dwg gyaak gij bonjlingx ceihleix doengh gij ancienz caezcaemh. Gaemmaenh ancienz daih' it, yawhfuengz guhdaeuz, laebhwnj aen gvaenghgyaq daih ancienz daih dangq-haenq, caezcienz aen diji yiengh ancienz caezcaemh, doinyoengx yiengh guhfap guenjieix gij ancienz caezcaemh cien baenz yawhfuengz doekgonq. Lai ak baujcaeng fuengz cai gemj cai gouq cai caeuq cawqceq gij saehgaen saehnanz saehyiemj caezcaemh sawqmw h miz ok, lailai gyaak gij rengz dangqhaenq guekgya caeuq ranghdieng. Gyahaenq gamguenj gijgwn gijyw ancienz, laebcienz aen diji gamguenj yawh-gingj fuengzhaed swngvuz ancienz. Gyarengz henhoh gij saenqsik gagboux.

Seiq dwg caezcienz aen diji ceihleix ndawbiengz. Laebcienz aen cidu ceihleix ndawbiengz baenz yiengh caezlaeb caezguenj caezyungh, hawj ceihleix ndawbiengz raen ndei engq lai. Guh doeng roenloh hawj beksingq haeuj cingq haeuj soh bae gangj ok iugouz, hezdiuz leih' ik, baujcaeng gienzik, ciuqfap yiemzfad gak yiengh famhfap famhcoih cungq-vunz fanjyingi haenqrem haenx. Lai gya vunz daeuj caeuqfaenh caez fuengz caez guenj, cauhaenz yiengh heiqfaenh raen saeh cingqngieih gamj bae guh, hawj gij rengz ceihleix ndawbiengz gapbueng baenzgyoengq, guh daengz bouxboux dawzrap, vunzvunz caenh-rengz, caez ndei caez ndaej.

Siz Ginbingz daezok, guhbaenz aen moegbiu buekguh laebbaenz bingdoi bak bi, hai ok aen gizmen moq gozfangz caeuq bingdoi yendaiva

Siz Ginbingz youq ndaw aen baugau Ngeihcib Daih daezok, guhbaenz aen moegbiu buekguh laebbaenz bingdoi bak bi, hai ok aen gizmen moq gozfangz caeuq bingdoi yendaiva.

Siz Ginbingz youq ndaw baugau vixok, ciuqseiz guhbaenz aen moegbiu buekguh laebbaenz bingdoi bak bi, gyavaiq dawz aen bingdoi yinzminz hwnqbaenz aen bingdoi lajmbwn ceiq ak, dwg aen canloz cienzmienh hwnqbaenz aen guek sevei cuji yendaiva iugouz baenzneix guh. Itdingh aeu gvancez aen swhsienj ak bing seizdaih moq Dangj raeuz, gvancez diuz canloz fuengcim bingsaeh seizdaih moq, dawzmaenh seizseiz yienghyiengh aeu Dangj lingjdauj aen bingdoi yinzminz, dawzmaenh baengh cwngei laeb bing, baengh gaijgwz ak bing, baengh gohgi ak bing, baengh vunzcaiz ak bing, baengh faplwd guenj bing, dawzmaenh doq doucwngh, doq bwhhoenx, doq hwnq ndei, dawzmaenh gihgaiva sinsizva cinwngzva yungzhab hwnghat, gyavaiq hawj gij lijun bingsaeh, gij cujiz hingzdai bingdoi, doengh boux guh bingsaeh, vujgi canghbei cungj gaen hwnj seizdaih, gyarengz hawj bingdoi ak daj gwnz canloz bae henhoh gij cawjgienz, ancienz, leih' ik hwnghat guekgya, dawz ndei diuz rap aen bingdoi yinzminz seizdaih moq.

Siz Ginbingz youq ndaw baugau daegbied gangj daengz, cienzmienh gyarengz youq ndaw bingdoi yinzminz guhguh guh' ak aen Dangj, saedbauj bingdoi ciengxlwenx dingq Dangj cijveih. Laebcienz gij diji gihci gvancez aen

cidu ginhveij cujsiz fucwz. Gyalae aeu gij lijun cauhamoq daeuj gyaak Dangj raeuz, bae guh gij yienghsaeh sonrox saedguh "hagsib aen swhsienj ak bing, laebgoeng aen saehnieb ak bing". Gyarengz hagsib sonrox lizsij bingdoi, guhhoengh gij vwnzva ak bing, roengzrengz ganq ok gij cingsaenz ak hoenx. Laebhwnj guh' ak gij cujiz diji Dangj raeuz nda youq ndaw bingdoi yinzminz haenx, nyoengxhaeuj gaiq hong cwngei guenj bing lien bing ndaej baenz cidu ciengzseiz bae guh, mbouj dingz mbouj duenh cingq fungheiq yiemz gijliz fanj nduknaeuh.

Cienzmienh gyarengz bae lien bing bwh hoenx, hawj bingdoi yinzminz ak dwk ak hingz. Yenzgiu gaemdawz gij lohsoq caeuq daegdiemj baengh sinsiz cinwngz dwkciengq, guhmoq ginhsw canloz cijdauj, lai ok gij canloz cansuz yinzminz cancwngh. Dajcauh aen diji gij ligliengh canloz haephwk hung' ak, gyalai aen faenhliengh gij ligliengh lingjyiz moq singqcaet moq hoenxcienq, gyavaiq hwnghat gij ligliengh cinwngz hoenxcienq mbouj yungh vunzhaenx, doengbuenz vehsuenq hwnqguh caeuq yinh-yungh aen diji vangiloz saenqsik. Haeujlaeg ciuq gij biucinj caensaed hoenxcienq bae lienhbing, dawz gij hongsaeh lienzhab lienhbing, doiqdingj lienhbing, gohgi lienhbing guh haeujlaeg bae. Roengzrengz hawj ligliengh bingsaeh ndaej ciuqciengz youh doenggvaq lai yiengh bae yungh, giendingh youh lingzvued bae guh ginhsw doucwngh, cau' ok yiengh seiq-daeuz ancienz, atnaenx goekhux haeddingz dox-dawz, hoenxhingz gij ciengq mbangj giz mbangj dieg.

Cienzmienh gyarengz ceihleix bingsaeh, gyamaenh gyahung gij cwnngzgoj gaijgwz gozfangz caeuq bingdoi, laebcaez gij gezgou caeuq cujiz benhci aen ligliengh bingsaeh, daj cingjdaej baenzroix bae gaijndeij gij cwngecwz cidu bingsaeh. Gyarengz coengz hoenx, laeb, bwh doengbuenz bae maeuzveh gaiq yinvu hungnaek guh' ak gozfangz caeuq bingdoi, gyavaiq guhbaenz gij houginz ndaej gaen hwnj seizdaih, guh gij gunghcwngh hungnaek gozfangz gohgi caeuq vujgi canghbei, gyavaiq gohyoz gisuz cienjbaenz ligliengh hoenxcienq. Gyalae gaijgwz gij yenyau bingdoi, laebmaenh aen diji gungganq gij vunzcaiz bingsaeh yiengh-moq, yungh banhfap moq bae guenjieix gij vunz ndaw bingdoi. Gyarengz laeb caez guh ndei aen gihci ciuqfap guenj bing caeuq guh canloz gveihva, caezcienz aen diji ciuqfap guenjieix bingsaeh miz gij daegsaek Cungguek haenx.

Gyamaenh gyaak aen diji caeuq gij bonjlingx guekgya itcaez maeuzveh hongsaeh daengxbuenz. Gaij ndei caeuq nda ndei gozfangz gohgi gunghyez, gyarengz guh ak gozfangz gohgi gunghyez. Son hawj vunzlai bouxboux cungj rox gij saeh gozfangz. Gyarengz guh ndei gozfangz dungyenz caeuq nda' nduengq gij rengz bwhlaeng, nyoengx haeuj gaiq hong guhmaenh gij henzguek, dieghaij, gwnzmbwn, gozfangz ciuhneix. Gyarengz aeu mingzdaeuz bae gikcoi caeuq baujcaeng gij gienzik bouxbing nem gij vunz ndaw ranz de, guh ndei gij hong fugsah baujcaeng bouxbing duiyiz. Gyamaenh gyalai bingdoi caeuq cwnghfuj, bouxbing caeuq beksingq doxgiat.

(cienj banj 11)